


卷一



書名 [惜抱軒遺書三種] 莊子章義五卷
 撰者 清 姚鼐 撰
 卷 卷一
 內容分類 子-道家-莊子
 索書號 大木-叢書部- 53
 編號 C6680700

彩色首頁1

東洋文化研究所漢籍目錄 編號: C6680700

東洋文化研究所漢籍目錄所藏漢籍善本全文影像資料庫 索書號: 大木-叢書部

53
 漢籍善本全文影像資料庫文本 [惜抱軒遺書三種] 莊子章義五卷
 版權所有: 東京大學 東洋文化研究所
 使用上的注意事項

莊子章義卷一

內篇逍遙遊第一 五章

北冥有魚其名爲鯤鯢之大不知其幾千里也化而爲

鳥其名爲鵬鵬之背不知其幾千里也怒而飛其翼若

垂天之雲是鳥也海運則將徙於南冥南冥者天池也

齊諧者志怪者也諧之言曰鵬之徙於南冥也水擊三

千里搏扶搖而上者九萬里去以六月息者也息者一呼吸也

野馬也塵埃也生

以息相吹也天之蒼蒼其正色邪其遠而無所至

其視下也亦若是則已矣劉辰翁云其視下也謂天也已與造物爲人而



連點

獨與天地_至倪於萬物_{連圈}止與造物_至始

者為友_{連圈}卵有毛雞_至終身無窮_{連點}惜乎惠

施_至走也悲夫_{連圈}

[Faded vertical text columns, likely bleed-through from the reverse side of the page.]



莊子章義卷一 **內篇逍遙遊第一** **五章**

北冥有魚其名為鯢鯢之大不知其幾千里也化而為

鳥其名為鵬鵬之背不知其幾千里也怒而飛其翼若

垂天之雲是鳥也海運則將徙於南冥南冥者天池也

齊諧者志怪者也諧之言曰鵬之徙於南冥也水擊三

千里搏扶搖而上者九萬里去以六月息者也息者一

鵬乘氣而往來半年為一呼吸故曰野馬也塵埃也生

物之以息相吹也天之蒼蒼其正色邪其遠而無所至

極邪其視下也亦若是則已矣劉辰翁云其視下也謂

天也已與造物為人而



出於萬物之表方見蒼蒼者之非正色方知人世且夫
 是非起滅生死去來不過如此爾此語得莊生意且夫
 水之積也不厚則負大舟也無力覆杯水於坳堂之上
 則芥爲之舟置杯焉則膠水淺而舟大也風之積也不
 厚則其負大翼也無力故九萬里則風斯在下矣而後
 乃今培風背負青天而莫之夭闕者而後乃今將圖南
 水之積也至培風承以息相吹言空際皆實氣所居無
 空缺也背負青天二句承天之蒼蒼四句言上下寥闊
 無邊際也遊於此焉與天地一矣蜩與學鳩笑之曰我決起而飛搶榆
 枋時則不至而控於地而已矣奚以之九萬里而南爲
 適莽蒼者三餐而反腹猶果然適百里者宿舂糧適千
 里者三月聚糧之二蟲又何知小知不及大知小年不

及大年奚以知其然也朝菌不知晦朔蟪蛄不知春秋
 此小年也楚之南有冥靈者以五百歲爲春五百歲爲
 秋上古有大椿者以八千歲爲春八千歲爲秋而彭祖
 乃今以久特聞眾人匹之不亦悲乎湯之問棘也是已
 窮髮之北有冥海者天池也有魚焉其廣數千里未有
 知其修者其名爲鯤有鳥焉其名爲鵬背若泰山翼若
 垂天之雲搏扶搖羊角而上者九萬里絕雲氣負青天
 然後圖南且適南冥也斥鴳笑之曰彼且奚適也我騰
 躍而上不過數仞而下翱翔蓬蒿之間此亦飛之至也
 而彼且奚適也此小大之辯也故夫知效一官行比一

鄉德合一君而徵一國者其自視也亦若此矣而宋榮子猶然笑之且舉世而譽之而不加勸舉世而非之而不加沮定乎內外之分辯乎榮辱之竟斯已矣彼其於世未數數然也雖然猶有未樹也夫列子御風而行泠然善也旬有五曰而後反彼於致福者未數數然也此雖免乎行猶有所待者也若夫乘天地之正而御六氣之辯以遊無窮者彼且惡乎待哉故曰至人無已神人無功聖人無名

堯讓天下於許由曰日月出矣而燭火不息其於光也不亦難乎時雨降矣而猶浸灌其於澤也不亦勞乎夫

子立而天下治而我猶尸之吾自視缺然請致天下許由曰子治天下天下既已治也而我猶代子吾將爲名乎名者實之賓也吾將爲賓乎鷦鷯巢於深林不過一枝偃鼠飲河不過滿腹歸休乎君予無所用天下爲庖人雖不治庖尸祝不越樽俎而代之矣

肩吾問於連叔曰吾聞言於接輿大而無當往而不反吾驚怖其言猶河漢而無極也大有逕庭不近人情焉連叔曰其言謂何哉曰藐姑射之山有神人居焉肌膚若冰雪淖約若處子不食五穀吸風飲露乘雲氣御飛龍而遊乎四海之外其神凝使物不疵癘而年穀熟吾

以是狂而不信也連叔曰然瞽者無以與乎文章之觀
聾者無以與乎鍾鼓之聲豈惟形骸有聾盲哉夫知亦
有之是其言也猶時女也之人也之德也將旁礴萬物
以爲一世斬乎亂孰弊弊焉以天下爲事旁礴萬物以爲一所謂合
萬物爲己者其惟聖人乎亂治也世自化之斬乎治耳非彼有意以天下爲事而治也兼爲是解頊閱陸德明音義亦以世之人也物莫之傷大浸稽天而不溺大旱
金石流土山焦而不熱是其塵垢粃糠將猶陶鑄堯舜
者也孰有以物爲事宋人資章甫而適諸越越人斷髮
文身無所用之堯治天下之民平海內之政往見四子
藐姑射之山汾水之陽窅然喪其天下焉



惠子謂莊子曰魏王貽我大瓠之種我樹之成而實五
石以盛水漿其堅不能自舉也剖之以爲瓢則瓠落無
所容非不呶然大也吾爲其無用而掊之莊子曰夫子
固拙於用大矣宋人有善爲不龜手之藥者世世以泝
泝統爲事客聞之請買其方百金聚族而謀曰我世世
爲泝泝統不過數金今一朝而鬻技百金請與之客得
之以說吳王越有難吳王使之將冬與越人水戰大敗
越人裂地而封之能不龜手一也或以封或不免於泝
泝統則所用之異也今子有五石之瓠何不慮以爲大
樽而浮乎江湖而憂其瓠落無所容則夫子猶有蓬之

心也夫

惠子謂莊子曰吾有大樹人謂之樗其大本擁腫而不中繩墨其小枝卷曲而不中規矩立之塗匠者不顧今子之言大而無用眾所同去也莊子曰子獨不見狸狌乎卑身而伏以候敖者東西跳梁不避高下中於機辟死於網罟今夫斄牛其大若垂天之雲此能爲大矣而不能執鼠今子有大樹患其無用何不樹之於無何有之鄉廣莫之野彷徨乎無爲其側逍遙乎寢臥其下不天斤斧物無害者無所可用安所困苦哉

內篇齊物論第二 七章

南郭子綦隱几而坐仰天而噓嗒焉似喪其耦顏成子遊立待乎前曰何居乎形固可使如槁木而心固可使如死灰乎今之隱几者非昔之隱几者也子綦曰偃不亦善乎而問之也今者吾喪我

一除我見則物無不齊

女知之乎

女聞人籟而未聞地籟女聞地籟而未聞天籟夫子遊曰敢問其方子綦曰夫大塊噫氣其名爲風是唯無作作則萬竅怒鳴而獨不聞之蓼蓼乎山林之畏佳大木百圍之竅穴似鼻似口似耳似枅似圈似臼似洼者似汚者激者謫者叱者吸者叫者諠者突者咬者前者唱而隨者唱喁洽風則小和飄風則大和厲風濟則眾



竅為虛而獨不見之調調之司乎子遊曰地籟則眾
 竅是已人籟則比竹是已敢問天籟喪我者其聞眾竅
我者聞之祇是地籟人籟而已子綦噫氣一則指示人
從聞思入處極是親切所言皆天籟也子遊不悟所謂
見指不見乎綦曰夫吹萬不同而使其自已也咸其自
 取句怒者其誰邪夫知閑閑小知閒閒大言炎炎小言
 詹詹其寐也魂交其覺也形開與接為構日以心鬪縵
 者審者密者小恐惴惴大恐縵縵其發若機括其司是
 非之謂也其留如詛盟其守勝之謂也其殺如秋冬以
 言其日消也其溺之所為之不可使復之也其厭也如
 緘以言其老洫也近死之心莫使復陽也喜怒哀樂慮

歎變熱姚佚啓態樂出虛蒸成菌日夜相代乎前而莫
 知其所萌已乎已乎且暮得此其所由以生乎此所謂我也
 非彼無我非我無所取是亦近矣而不知其所為使若
 有真宰而特不得其朕能得喜怒哀樂人情萬變之本即真宰也萬變所由生凡語言
皆天籟也不能得則逐情而喪真矣或者欲弟求無彼
無我與物不相取是亦近道然彭蒙田駢慎到之術
非真知道者真知道者必求真宰真宰者不見其朕而
無處不可見也百骸九竅以下又恐人不見真宰反執
妄心便為真宰此處正破儒者心之可行已信而不見
 官則思義言真君不在識解處也
 其形有情而無形百骸九竅六藏賅而存焉吾誰與為
 親不能無我豈特人已相爭哉一身之內肝膽楚越矣女皆說之乎其有私焉如
 是皆有為臣妾乎其臣妾不足以相治乎六用同原焉有臣妾君臣



哉其遞相為君臣乎其有真君存焉有真君則喪我矣田子方篇顏淵章

日出東方者此真君也如求得其情與不得無益損乎其真一受

其成形以下極言不亡以待盡其形存則不能不以之待盡矣必求得其情則

聰明之用筋骸之勞是與物相刃相靡其行盡如馳而

莫之能止不亦悲乎終身役役而不見其成功茶然疲

役而不知其所歸可不哀邪人謂之不死奚益其形化

其心與之然可不謂大哀乎人之生也固若是芒乎其

化而心逐之無復真宰是芒然無知者矣然人生本來

豈若是芒哉世自有覺者耳然覺非隨其成心之謂也

其我獨芒而人亦有不芒者乎夫隨其成心而師之誰

獨且無師乎奚必知代而心自取者有之萬物相代乎

前知逐而生

是知代也無端念動者心自取也二者皆妄耳知代者

佛所謂六識也心自取者合藏識也此皆是妄心起滅

無端而人之言語率出於此此與風之吹物何異焉然

則此亦地籟人籟耳欲聞天籟從何處聞取楞嚴說聞

所聞盡愚者與有焉未成乎心而有是非是今日適越

而昔至也是以無有為有無有為有雖有神禹且不能

知吾獨且奈何哉夫言非吹也言者有言其所言者特

未定也果有言邪其未嘗有言邪其以為異於鼗音亦

有辯乎其無辯乎南郭子綦言出於此不問其言何如

道惡乎隱而有真偽言惡乎隱而有是非道惡乎往而

不存言惡乎存而不可道隱於小成言隱於榮華故有



非其所是測莫若以明物無非彼物無非是自彼則不見自知則知之故曰彼出於是是亦因彼彼是方生之說也方生者言人心方嚮之也方生則因是之未幾人心不嚮又因非之未幾而又因是之雖然方生方死方死方生方可方不可方不可方可因是因非因非因是是以聖人不由而照之於天亦因是也是亦彼也彼亦是也彼亦一是非此亦一是非果且有彼是乎哉果且無彼是乎哉彼是莫得其偶謂之道樞樞始得其環中以應無窮是亦一無窮非亦一無窮也故曰莫若以明以指喻指之非指不若以非指喻指之非指也以馬喻馬之非馬不若以非馬喻馬之非馬也天

地一指也萬物一馬也可乎不可乎不可道行之而成物謂之而然惡乎然然於然惡乎不然不然於不然物固有所然物固有所可無物不然無物不可故爲是舉筵與楹厲與西施恢嵬憭怪道通爲一其分也成也其成也毀也凡物無成與毀復通爲一唯達者知通爲一爲是不用而寓諸庸庸也者用也用也者通也通也者得也適得而後矣因是已句已而不知其然謂之道上已字語辭下已字此也其訓見爾雅惟莊子常用之猶言如此也勞神明爲一而不知其同也謂之朝三何謂朝三曰狙公賦芻曰朝三而暮四眾狙皆怒曰然則朝四而暮三眾狙皆說名實未虧

而喜怒為用亦因是也是以聖人和之以是非而休乎
天鈞是之謂兩行古之人其知有所至矣惡乎至有以
為未始有物者至矣盡矣不可以加矣其次以為有物
矣而未始有封也其次以為有封焉而未始有是非也
是非之彰也道之所以虧也道之所以虧愛之所以成
果且有成與虧乎哉果且無成與虧乎哉有成與虧故
昭氏之鼓琴也無成與虧故昭氏之不鼓琴也昭文之
鼓琴也師曠之枝策也惠子之據梧也三子之知幾乎
皆其盛者也故載之末年惟其好之也以異於彼其好
之也欲以明之彼非所明而明之故以堅白之味終



子自以所好而人不能知是異於彼而又欲以己而其所好告之人是明之彼然卒不能明是無成也
子又以文之綸終終身無成若是而可謂成乎雖我亦成也若是而不可謂成乎物與我無成也是故滑稽之耀聖人之所圖也為是不用而寓諸庸此之謂以明今且存言於此不知其與是類乎其與是不類乎
是即此齊物論也夫有言則有是非以莊子之多言而求泯人之是非夫何異抱薪而救火邪故下文有無謂之說寓言篇不言則齊數類與不類相與為類則與彼無以異矣雖然句即此義
請嘗言之有始也者有未始有始也者有未始有夫未始有始也者有有也者有無也者有未始有無也者有未始有夫未始有無也者俄而有無矣而未始有無之

果孰有孰無也令我則已有謂矣而未知吾所謂之其
果有謂乎其果無謂乎天下莫大於秋豪之末而泰山
爲小莫壽乎殤子而彭祖爲夭天地與我並生而萬物
與我爲一既已爲一矣且得有言乎既已謂之一矣且
得無言乎一與言爲二二與一爲三自此以往巧歷不
能得而况其凡乎故自無適有以至於三而况自有適
有乎無適焉因是已夫道未始有封言未始有常爲是
而有畛也請言其畛有左有右有倫有義有分有辯有
競有爭此之謂八德六合之外聖人存而不論六合之
內聖人論而不議春秋經世先王之志聖人議而不辯



故分也者有不分也辯也者有不辯也曰何也聖人懷
之眾人辯之以相示也故曰辯也者有不見也夫大道
不稱大辯不言大仁不仁大廉不賺大勇不怯道昭而
不道言辯而不及仁常而不成廉清而不信勇怯而不
成五者因而幾向方矣故知止其所不知至矣孰知不
言之辯不道之道若有能知此之謂天府注焉而不滿
酌焉而不竭而不知其所由來此之謂葆光故昔者堯
問於舜曰我欲伐宗脰胥敖南面而不釋然其故何也
舜曰夫三子者猶存乎蓬艾之間若不釋然何哉昔者
十日竝出萬物皆照而况德之進乎日者乎

齧缺問乎王倪曰子知物之所同是乎曰吾惡乎知之
子知子之所不知邪曰吾惡乎知之然則物無知邪曰
吾惡乎知之雖然嘗試言之庸詎知吾所謂知之非不
知邪庸詎知吾所謂不知之非知邪且吾嘗試問乎女
民淫寢則腰疾偏死鱸然乎哉木處則惴慄恟懼猿猴
然乎哉三者孰知正處民食芻豢麋鹿食薦蛆蛆甘帶
鴟鴞耆鼠四者孰知正味猿獼狙以爲雌麋與鹿交鱸
與魚遊毛嬙麗姬人之所美也魚見之深入鳥見之高
飛麋鹿見之決驟四者孰知天下之正色哉自我觀之
仁義之端是非之塗樊然殽亂吾惡能知其辯齧缺曰

子不知利害則至人固不知利害乎王倪曰至人神矣
大澤焚而不能熱河漢沍而不能寒疾雷破山風振海
而不能驚若然者乘雲氣騎日月而遊乎四海之外死
生無變於已而況利害之端乎

瞿鵲子問乎長梧子曰吾聞諸夫子聖人不從事於務
不就利不違害不喜求不緣道無謂有謂有謂無謂而
遊乎塵垢之外夫子以爲孟浪之言而我以爲妙道之
行也吾子以爲奚若長梧子曰是黃帝之所聽熒也而
丘也何足以知之且女亦大早計見卵而求時夜見彈
而求鴟炙吾嘗爲女妄言之女以妄聽之奚

王伯厚以
奚字絕句



云張文潛銘商瑤曰旁日月挾宇宙爲其脗合置其滑
造物則奚句法本此滑以隸相尊眾人役役聖人愚菴參萬歲而一成純萬
物盡然而以是相蘊予惡乎知說生之非惑邪予惡乎
知惡死之非弱喪而不知歸者邪麗之姬艾封人之子
也晉國之始得之也涕泣沾襟及其至於王所與王同
筐牀食芻豢而後悔其泣也予惡乎知夫死者不悔其
始之蘄生乎夢飲酒者旦而哭泣夢哭泣者旦而田獵
方其夢也不知其夢也夢之中又占其夢焉覺而後知
其夢也且有大覺而後知此大夢也而愚者自以爲覺
竊竊然知之君乎牧乎固哉上也與女皆夢也予謂女

夢亦夢也是其言也其名爲弔詭萬世之後而一遇大
聖知其解者是旦暮遇之也既使我與若辯矣若勝我
我不若勝若果是也我果非也邪我勝若若不吾勝我
果是也而果非也邪其或是也其或非也邪其俱是也
其俱非也邪我與若不能相知也則人固受其黷闇吾
誰使正之使同乎若者正之既與若同矣惡能正之使
同乎我者正之既同乎我矣惡能正之使異乎我與若
者正之既異乎我與若矣惡能正之使同乎我與若者
正之既同乎我與若矣惡能正之然則我與若與人俱
不能相知也而待彼也邪

何謂和之以天倪曰是不是然不然是若果是也則是之異乎不是也亦無辯然若果然也則然之異乎不然也亦無辯化聲之相待若其不相待和之以天倪因之以曼衍所以窮年也忘年忘義振於無竟故寓諸無竟

兼疑此章是雜篇寓言章末錯入於此處

罔兩問景曰曩子行今子止曩子坐今子起何其無特操與景曰吾有待而然者耶吾所待又有待而然者耶吾待蛇蚶蜩翼耶惡識所以然惡識所以不然

昔者莊周夢爲胡蝶栩栩然胡蝶也自喻適志與不知周也俄然覺則蘧蘧然周也不知周之夢爲胡蝶與胡

蝶之夢爲周與周與胡蝶則必有分矣此之謂物化

內篇養生主第三 第四章

吾生也有涯而知也無涯以有涯隨無涯殆已而已之已爲知者殆而已矣爲善無近名爲惡無近刑緣督以爲經可以保身可以全生可以養親可以盡年

庖丁爲文惠君解牛手之所觸肩之所倚足之所履膝之所踣砉然騞然奏刀騞然莫不中音合於桑林之舞乃中經首之會文惠君曰善哉技蓋至此乎庖丁釋刀對曰臣之所好者道也進乎技矣始臣之解牛之時所見無非牛者三年之後未嘗見全牛也方今之時臣

以神遇而不以目視官知止而神欲行依乎天理批大
卻導大窾因其固然技經冑繁之未嘗而况大軻乎良
庖歲更刀割也族庖月更刀折也今臣之刀十九年矣
所解數千牛矣而刀刃若新發於硎彼節者有閒而刀
刃者無厚以無厚入有閒恢恢乎其於遊刃必有餘地
矣是以十九年而刀刃若新發於硎雖然每至於族吾
見其難爲怵然爲戒視爲止行爲遲動刀甚微謫然已
解如土委地提刀而立爲之四顧爲之躊躇滿志善刀
而藏之文惠君曰善哉吾聞庖丁之言得養生焉莊子
善惡兩無所居然則究安所處緣督爲經豈無可奈何
脫空語哉依乎天理離去善惡此間正有餘地故引庖

丁以解緣
督之義

公文軒見右師而驚曰是何人也惡乎介也天與其人
與曰天也非人也天之生是使獨也人之貌有與也以
是知其天也非人也澤雉十步一啄百步一飲不斲畜
乎樊中神雖王不善也養生者非養其血月之軀也以
此身與萬物爲一則死生不知
所擇而况遺其一足邪苟以七尺之軀自隘
是猶雉之畜乎樊中以是自養烏知養生哉
老聃死秦失弔之三號而出弟子曰非夫子之友邪曰
然然則弔焉若此可乎曰然始也吾以爲其人也而今
非也向吾入而弔焉有老者哭之如哭其子少者哭之
如哭其母彼其所以會之必有不斲言而言不斲哭而



哭者是遯天倍情忘其所受古者謂之遯天之刑適來
 夫子時也適去夫子順也安時而處順哀樂不能入也
 古者謂是帝之縣解指窮於為薪絕句為火傳也不知
 其盡也此即列禦寇篇感豫出異之旨注家謂莊子必
不更議老子於是迂謬其說都於文理不通此
莊子所嘆安得忘
言之人與之言哉

內篇人間世第四 七章

顏回見仲尼請行曰奚之曰將之衛曰奚為焉曰回聞
 衛君衛君司馬彪以為蒯瞶陸德明以為輒皆非也莊
生託辭正以指同時若梁惠王糜爛其民者耳春
秋君未若其年壯其行獨輕用其國而不見其過輕用
 是惡也民死死者以國量乎澤若蕉民其無如矣回嘗聞之夫

子曰治國去之亂國就之醫門多疾願以所聞思其則
 庶幾其國有瘳乎仲尼曰譖若始往而刑耳夫道不欲
 雜雜則多多則擾擾則憂憂而不救古之至人先存諸
 已而後存諸人所存於己者未定何暇至於暴人之所
 行且若亦知夫德之所蕩而知之所為出乎哉德蕩乎
 名知出乎爭名也者相札也知也者爭之器也二者凶
 器非所以盡行也且德厚信征未達人氣名聞不爭未
 達人心而彊以仁義繩墨之言術暴人之前者是以人
 惡有其美也命之曰菑人菑人者人必反菑之若殆為
 人菑夫且苟為說賢而惡不肖惡用而求有以異若唯

無詔王公必將乘人而鬪其捷而目將熒之而色將平
 之口將營之容將形之心且成之是以火救火以水救
 水名之曰益多順始無窮若始以不信厚言必死於暴
 人之前矣且昔者桀殺關龍逢紂殺王子比干是皆修
 其身以下偃拊人之民以下拂其上者也故其君因其
 修以擠之是好名者也昔者堯攻叢枝胥敖禹攻有扈
 國為虛厲身為刑戮其用兵不止其求實無已是皆求
 名實者也無道之人彼自以為是堯禹所不能化故至於用兵而獨不聞之乎名
 實者聖人之所不能勝也而况若乎雖然若必有以也
 嘗以語我來顏回曰端而虛勉而一則可乎曰惡惡可



夫以陽為充孔揚采色不定常人之所不違因案人之
 所感以求容與其心名之曰日漸之德不成而况大德
 乎案人之所感者暴君聞正言亦有感動處而旋自案
乎止以求自恣故雖君子欲以誠敬格君而終不可化
宋哲宗於將執而不化外合而內不訾其庸詎可乎訾
伊川是也也聞君子之言外若不然則我內直而外曲成而上比
違而內不度量其義內直者與天為徒與天為徒者知天子之與已皆天之
 所予而獨以已言斲乎而人善之斲乎而人不善之耶
 若然者人謂之童子是之謂與天為徒外曲者與人之
 為徒也擊蹠曲拳人臣之禮也人皆為之吾敢不為耶
 為人之所為者人亦無疵焉是之謂與人為徒成而上

此者與古為徒其言雖教謫之實也古之有也非吾有也若然者雖直不為病是之謂與古為徒若是則可乎仲尼曰惡惡可大多政法而不謀雖固亦無罪雖然止是耳矣夫胡可以及化猶師心者也顏回曰吾無以進矣敢問其方仲尼曰齊吾將語若有而為之其易耶易之者嗥天不宜顏回曰回之家貧惟不飲酒不茹葷者數月矣若此則可以為齊乎曰是祭祀之齊非心齊也回曰敢問心齊仲尼曰若一志無聽之以耳而聽之以心無聽之以心而聽之以氣聽止於耳心止於符氣也者虛而待物者也唯道集虛虛者心齊也顏回曰回之



未始得使實自回也得使之也未始有回也可謂虛乎夫子曰盡矣吾語若若能入遊其樊而無感其名入則鳴不入則止無門無毒崔譔本作無每云貪一宅而寓也兼按止每已為韻於不得已則幾矣絕迹易無行地難為人使易以偽為天使難以偽聞以有翼飛者矣未聞以無翼飛者也聞以有知知者矣未聞以無知知者也瞻彼闕者虛室生白吉祥止止夫且不止是之謂坐馳夫狗耳目內通而外於心知鬼神將來舍而况人乎是萬物之化也禹舜之所紐也伏戲几蘧之所行終而况散焉者乎葉公子高將使於齊問於仲尼曰王使諸梁也甚重齊

之待使者蓋將甚敬而不急匹夫猶未可動也而况諸侯乎吾甚慄之子嘗語諸梁也曰凡事若小若大寡不道以權成事若不成則必有人道之患事若成則必有陰陽之患若成若不成而後無患者惟有德者能之吾食也執粗而不臧爨無欲清之人今吾朝受命而夕飲冰我其肉熱與吾未至乎事之情而既有陰陽之患矣事若不成必有人道之患是兩也爲人臣者不足以任之子其有以語我來仲尼曰天下有大戒二其一命也其一義也子之愛親命也不可解於心臣之事君義也無適而非君也無所逃於天地之間是之謂大戒是以



夫事其親者不擇地而安之孝之至也夫事其君者不擇事而安之忠之盛也自事其心者哀樂不易施乎前知其不可奈何而安之若命德之至也爲人臣子者固有所不得已行事之情而忘其身何暇至於說生而惡死夫子其行可矣丘請復以所聞凡交近則必相靡以信遠則必忠之以言言必或傳之夫傳兩喜兩怒之言天下之難者也夫兩喜必多溢美之言兩怒必多溢惡之言凡溢之類妄妄則其信之也莫莫則傳言者殃故法言曰傳其常情無傳其溢言則幾乎全且以巧鬪力者始乎陽常卒乎陰泰至則多奇巧以禮飲酒者始乎

治常卒乎亂泰至則多奇樂凡事亦然始乎諒常卒乎
鄙其作始也簡其將畢也必巨言者風波也行者實喪
也夫風波易以動實喪易以危故忿設無由巧言偏辭
獸死不擇音氣息弗然於是竝生心厲剋核太至則必
有不肖之心應之而不知其然也苟爲不知其然也孰
知其所終故法言曰無遷令無勸成過度益也遷令勸
成殆事美成在久惡成不及改可不慎與且夫乘物以
遊心託不得已以養中至矣何作爲報也莫若爲致命
此其難者

顏闔將傅衛靈公太子而問於蘧伯玉曰有人於此其



德天殺與之爲無方則危吾國與之爲有方則危吾身
其知適足以知人之過而不知其所以過若然者吾奈
之何蘧伯玉曰善哉問乎戒之慎之正女身哉形莫若
就心莫若和雖然之二者有患就不欲入和不欲出形
就而入且爲顛爲滅爲崩爲蹶心和而出且爲聲爲名
爲妖爲孽彼且爲嬰兒亦與之爲嬰兒彼且爲無町畦
亦與之爲無町畦彼且爲無崖亦與之爲無崖達之入
於無疵女不知夫螳螂乎怒其臂以當車轍不知其不
勝任也是其才之美者也戒之慎之積伐而美者以犯
之幾矣女不知夫養虎者乎不敢以生物與之爲其殺

之之怒也不敢以全物與之爲其決之之怒也時其飢
飽達其怒心虎之與人異類而媚養已者順也故其殺
者逆也夫愛馬者以筐盛矢以蠶盛溺適有蚤蚩僕緣
而拊之不時則缺銜毀首碎胷意有所至而愛有所亡
可不慎耶

匠石之齊至乎曲轅見櫟社樹其大蔽牛絜之百圍其
高臨山十仞而後有枝其可以爲舟者旁十數觀者如
市匠石不顧遂行不輟弟子厭觀之走及匠石曰自吾
執斧斤以隨夫子未嘗見材如此其美也先生不肖視
行不輟何邪曰已矣勿言之矣散木也以爲舟則沈以



爲棺槨則速腐以爲器則速毀以爲門戶則液楛以爲
柱則蠹是不材之木也無所可用故能若是之壽匠石
歸櫟社見夢曰女將惡乎比予哉若將比予於文木耶
夫椹梨橘柚果蓏之屬實熟則剝則辱大枝折小枝泄
此以其能苦其生者也故不終其天年而中道夭自培
擊於世俗者也物莫不若是且予求無所可用久矣幾
死乃今得之爲予大用使予也而有有用且得有此大也
邪且也若與予也皆物也奈何哉其相物也而幾死之
散人又惡知散木匠石覺而診其夢弟子曰趣取無用
則爲社何邪曰密

此文卽如田子方篇仲尼曰默女無
言密默字通達生篇公密而不應

若無言彼亦直寄焉以爲不知己者詭厲也不爲社者且幾有翦乎且也彼其所保與眾異而以義譽之不亦遠乎

南伯子綦遊乎商之邱見大木焉有異結駟千乘隱將芘其所賴子綦曰此何木也哉此必有異材夫仰而視其細枝則拳曲而不可以爲棟梁俯而視其大根則軸解而不可以爲棺槨啞其葉則口爛而爲傷嗅之則使人狂醒三日而不已子綦曰此果不材之木也以至於此其大也嗟乎神人以此不材宋有荆氏者宜楸柏桑其拱把而上者求狙猴之杙者斬之三圍四圍求高名

之麗者斬之七圍八圍貴人富商之家求禪傍者斬之故未終其天年而中道之大於斧斤此材之患也故解之以牛之白鰓者與豚之亢鼻者與人有痔病者不可以適河此皆巫祝以知之矣所以爲不祥也此乃神人之所以爲大祥也

支離疏者頤隱於齊肩高於頂會撮指天五管在上兩髀爲脅挫鍼治繃足以劬口鼓箎播精足以食十人上徵武士則支離攘臂於其閒上有大役則支離以有常疾不受功上與病者粟則受三鍾與十束薪夫支離其形者猶足以養其身終其天年又况支離其德者乎



孔子適楚楚狂接輿遊其門曰鳳兮鳳兮何如德之衰也來世不可待往世不可追也天下有道聖人成焉天下無道聖人生焉方今之時僅免刑焉福輕乎羽莫之知載禍重乎地莫之知避已乎已乎臨人以德殆乎殆乎畫地而趨迷陽迷陽無傷吾行吾行卻曲無傷吾足山木自寇也膏火自煎也桂可食故伐之漆可用故割之人皆知有用之用而莫知無用之用也

內篇德充符第五

第六章

魯有兀者王貽從之遊者與仲尼相若常季問於仲尼曰王貽兀者也從之遊者與夫子中分魯立不教坐不



議虛而往實而歸固有不言之教無形而心成者邪是何人也仲尼曰夫子聖人也兀也直後而未往耳兀將以爲師而况不若兀者乎奚假魯國兀將引天下而與從之常季曰彼兀者也而王先生其與庸亦遠矣若然者其用心也獨若之何仲尼曰死生亦大矣而不得與之變雖天地覆墜亦將不與之遺審乎無假而不與物遷命物之化而守其宗也常季曰何謂也仲尼曰自其異者視之肝膽楚越也自其同者視之萬物皆一也夫若然者且不知耳目之所宜而遊心乎德之和物視其所一而不見其所喪視喪其足猶遺土也常季曰彼爲

已以其知得其心以其心得其常心物何為最之哉仲

尼曰人莫鑑於流水而鑑於止水惟止能止眾止句受

命於地惟松柏獨也正在句正字從張君房本增冬夏青青句受

命於天句惟堯舜獨也正在萬物之首句堯字在萬物之首五字均從

張君房本增幸能正生以正眾生夫保始之徵不懼之實勇

士一人雄入於九軍將求名而能自要者而猶若是而

况官天地府萬物直寓六骸象耳目一知之所知而心

未嘗死者乎彼且擇日而登假人則從是也彼且何肯

以物為事乎

申徒嘉兀者也而與鄭子產同師於伯昏無人子產謂



申徒嘉曰我先出則子止子先出則我止其明日又與

合堂同席而坐子產謂申徒嘉曰我先出則子止子先

出則我止今我將出子可以止乎其未邪且子見執政

而不違子齊執政乎申徒嘉曰先生之門固有執政焉

如此哉子而說子之執政而後人者也聞之曰鑑明則

塵垢不止止則不明也久與賢人處則無過今子之所

取大者先生也而猶出言若是不亦過乎子產曰子既

若是矣猶與堯爭善計子之德不足以自反邪申徒嘉

曰自狀其過以不當亡者眾不狀其過以不當存者寡

知不可奈何而安之若命惟有德者能之遊於羿之彀

中中央者中地也然而不中者命也人以其全足笑吾不全足者眾矣我怫然而怒而適先生之所則廢然而反不知先生之洗我以善邪吾與夫子遊十九年而未嘗知吾介者也今子與我遊於形骸之內而子索我於形骸之外不亦過乎子產蹇然改容更貌曰子無乃稱魯有兀者叔山無趾踵見仲尼仲尼曰子不謹前既犯患若是矣雖今來何及矣無趾曰吾唯不知務而輕用吾身吾是以亡足今吾來也猶有尊足者存吾是以務全之也夫天無不覆地無不載吾以夫子爲天地安知夫子之猶若是也孔子曰丘則陋矣夫子胡不入乎請

講以所聞無趾出孔子曰弟子勉之夫無趾兀者也猶務學以復補前行之惡而况全德之人乎無趾語老聃曰孔丘之於至人其未邪彼何賓賓以學子爲彼且蘄以詭詭幻怪之名聞不知至人之以是爲已桎梏邪老聃曰胡不直使彼以死生爲一條以可不可爲一貫者解其桎梏其可乎無趾曰天刑之安可解

魯哀公問於仲尼曰衛有惡人焉曰哀貽它丈夫與之處者思而不能去也婦人見之請於父母曰與人爲妻寧爲夫子妾者十數而未止也未嘗有聞其唱者也常和人而已矣無君人之位以濟乎人之死無聚祿以望



人之腹又以惡駭天下和而不唱知不出乎四域且而
雌雄合乎前是必有異乎人者也寡人召而觀之果以
惡駭天下與寡人處不至以月數而寡人有意乎其爲
人也不至于期年而寡人信之國無宰而寡人傳國焉
悶然而後應汜而若辭寡人醜乎卒授之國無幾何也
去寡人而行寡人卹焉若有亡也若無與樂是國也是
何人者也仲尼曰丘也嘗使於楚矣適見狔子食於其
死母者少焉眴若皆棄之而走不見已焉爾不得類焉
爾所愛其母者非愛其形也愛使其形者也戰而死者
其人之葬也不以妻資別者之屨無爲愛之皆無其本



矣爲天子之諸御不爪翦不穿耳取妻者止於外不得
復使形全猶足以爲爾而况全德之人乎今哀駘它未
言而信無功而親使人授已國惟恐其不受也是必才
全而德不形者也哀公曰何謂才全仲尼曰死生存亡
窮達貧富賢與不肖毀譽飢渴寒暑是事之變命之行
也日夜相代乎前而知不能規乎其始者也故不足以
滑和不可入於靈府使之和豫通而不失於兌劉辰翁云兌卽
老子塞其兌之兌正是要義如使日夜無卻而與物爲
醫家脫證日夜無卻正謂此也春是接而生時於心者也是之謂才全何謂德不形曰
平者水停之盛也其可以爲法也內保之而外不蕩也

德者成和之修也德不形者物不能離也哀公異日以告閔子曰始也吾以南面而君天下執民之紀而憂其死吾自以爲至通矣今吾聞至人之言恐吾無其實輕用吾身而亡吾國吾與孔丘非君臣也德友而已矣闔跂支離無脈說衛靈公靈公說之而視全人其脰肩肩甕甕大瘿說齊桓公桓公說之而視全人其脰肩肩故德有所長而形有所忘人不忘其所忘而忘其所不忘此謂誠忘故聖人有所遊而知爲孽約爲膠德爲接工爲商聖人不謀惡用知不斲惡用膠無喪惡用德不貨惡用商四者天鬻也天鬻也者天食也旣受食於天

又惡用人有人之形無人之情有人之形故羣於人無人之情故是非不得於身眇乎小哉所以屬於人也瞽乎大哉獨成其天

惠子謂莊子曰人故無情乎莊子曰然惠子曰人而無情何以謂之人莊子曰道與之貌天與之形惡得不謂之人惠子曰旣謂之人惡得無情莊子曰是非吾所謂情也吾所謂無情者言人之不以好惡內傷其身常因自然而不益生也惠子曰不益生何以有其身莊子曰道與之貌天與之形無以好惡內傷其身今子外乎子之神勞乎子之精倚樹而吟據槁梧而瞑天選子之形



選與撰
同具也

子以堅白鳴

內篇大宗師第六

十章

知天之所爲知人之所爲者至矣知天之所爲者天而
生也知人之所爲者以其知之所知以養其知之所不
知終其天年而不中道夭者是知之盛也雖然有患夫
知有所待而後當其所待者特未定也庸詎知吾所謂
天之非人乎所謂人之非天乎且有真人而後有真知
何謂真人古之真人不逆寡不雄成不暮士若然者過
而弗悔當而不自得也若然者登高不慄入水不濡入
火不熱是知之能登假於道也若此古之真人其寢不

夢其覺無憂其食不甘其息深深真人之息以踵眾人
之息以喉屈服者其隘言若哇其耆欲深者其天機淺

古之真人不知說生不知惡死其出不訢其入不距脩
然而往脩然而來而已矣不忘其所始不求其所終受
而喜之忘而復之是之謂不以心捐道不以人助天是
之謂真人若然者其心志其容寂其頽頽淒然似秋煖
然似春喜怒哀通四時與物有宜而莫知其極故聖人之
用兵也亡國而不失人心利澤施乎萬世不爲愛人故
樂通物非聖人也有親非仁也天時非賢也利害不通
非君子也行名失已非士也亡身不真非役人也若狐



不借務光伯夷叔齊箕子胥餘紀他申徒狄是役人之
役適人之適而不自適其適者也古之真人其狀義而
不朋若不足而不承與乎其觚而不堅也當作堅而不
觚以韻求之
亦張乎其虛而不華也邴邴乎其似喜乎崔乎其不得
已乎濇乎進我色也與乎止我德也厲乎其似世乎磬
乎其未可制也連乎其似好閑也挽乎忘其言也以刑
爲體以禮爲翼以知爲時以德爲循以刑爲體者綽乎
其殺也以禮爲翼者所以行於世也以知爲時者不得
已於事也以德爲循者言其與有足者至於邱也而人
真以爲勤行者也邴大也既有足則自行行而至於遠
有身則自修修而至於大德豈有意

於勤行哉率
性而已矣

故其好之也一其弗好之也一其一也一

其不一也一其一與天爲徒其不一與人爲徒天與人
不相勝也是之謂真人

死生命也其有夜旦之常天也人之有所不得與皆物
之情也彼特以天爲父而身猶愛之而况其卓乎人特
以有君爲愈乎已而身猶死之而况其真乎泉涸魚相
與處於陸相响以溼相濡以沫不如相忘於江湖與其
譽堯而非桀也不如兩忘而化其道夫大塊載我以形
勞我以生佚我以老息我以死故善吾生者乃所以善
吾死也夫藏舟於壑藏山於澤謂之固矣然而夜半有





力者負之而走昧者不知也藏小大有宜猶有所遜若夫藏天下於天下而不得所遜是恆物人情也特犯人之形而猶喜之皆當解如范金合土犯字若人之形者萬化而未始有極也其為樂可勝計邪故聖人將遊於物之所不得遜而皆存善天善老善始善終人猶效之又况萬物之所係而一化之所待乎夫道有情有信無為無形可傳而不可受可得而不可見自本自根未有天地自古以固存神鬼神帝生天生地在太極之先而不為高在六極之下而不為深先天地生而不為久長於上古而不為老豨韋氏得之以挈天地伏戲得

之以襲氣母維斗得之終古不忒日月得之終古不息堪坏得之以襲崑崙馮夷得之以遊大川肩吾得之以處大山黃帝得之以登雲天顓頊得之以處玄宮禹強得之立乎北極西王母得之坐乎少廣莫知其始莫知其終彭祖得之上及有虞下及五伯傳說得之以相武不奄有天下乘東維騎箕尾而比於列星下及五伯南伯子葵問乎女偶曰子之年長矣而色若孺子何也曰吾聞道矣南伯子葵曰道可得學邪曰惡惡可子非其人也夫卜梁倚有聖人之才而無聖人之道我有聖人之道而無聖人之才吾欲以教之庶幾其果為聖人

乎不然以聖人之道告聖人之才亦易矣吾猶守而告之參日而後能外天下已外天下矣吾又守之七日而後能外物已外物矣吾又守之九日而後能外生已外生矣而後能朝徹朝徹而後能見獨見獨而後能無古今無古今而後能入於不死不生殺生者不死生者不生其爲物無不將也無不迎也無不毀也無不成也其名爲攫靈攫靈也者攫而後成者也南伯子葵日子獨惡乎聞之曰聞諸副墨之子副墨之子聞諸洛誦之孫洛誦之孫聞之瞻明瞻明聞之聶許聶許聞之需役需役聞之於謳於謳聞之玄冥玄冥聞之參寥參寥聞

之疑始

子祀子輿子犁子來四人相與語曰孰能以無爲首以生爲脊以死爲尻孰知死生存亡之一體者吾與之友矣四人相視而笑莫逆於心遂相與爲友俄而子輿有病子祀往問之曰偉哉夫造物者將以予爲此拘拘也曲僂發背上有五管頤隱於齊肩高於頂句贅指天陰陽之氣有沴其心閒而無事跣躄而鑑於井曰嗟乎夫造物者又將以予爲此拘拘也子祀曰女惡之乎曰亡予何惡浸假而化予之左臂以爲雞予因以求時夜浸假而化予之右臂以爲彈予因以求鴟炙浸假而化予



之尻以爲輪以神爲馬予因而乘之豈更駕哉且夫得者時也失者順也安時而處順哀樂不能入也此古之所謂縣解也而不能自解者物有結之且夫物不勝天久矣吾又何惡焉俄而子來有病喘喘然將死其妻子環而泣之子犁往問之曰叱避無怛化倚其戶與之語曰偉哉造化又將奚以女爲將奚以女適以女爲鼠肝乎以女爲蟲臂乎子來曰父母於子東西南北惟命之從陰陽於人不翅於父母彼近吾死而我不聽我則悍矣彼何罪焉夫大塊載我以形勞我以生佚我以老息我以死故善吾生者乃所以善吾死也今大冶鑄金金

踊躍曰我且必爲鑊鄒大冶必以爲不祥之金今一犯人之形而曰人耳人耳夫造化者必以爲不祥之人今一以天地爲大鑪以造化爲大冶惡乎往而不可哉成然寐遽然覺

子桑戶孟子反子琴張三人相與友曰孰能相與於無相與相爲於無相爲孰能登天遊霧撓挑無極相忘以生無所終窮三人相視而笑莫逆於心遂相與友莫然有閒而子桑戶死未葬孔子聞之使子貢往待事焉或編曲或鼓琴相和而歌曰嗟來桑戶乎嗟來桑戶乎而已反其真而我猶爲人猗子貢趨而進曰敢問臨尸而



歌禮乎二人相視而笑曰是惡知禮意子貢反以告孔
子曰彼何人者耶修行無有而外其形骸臨尸而歌顏
色不變無以命之彼何人者耶孔子曰彼遊方之外者
也而丘遊方之內者也外內不相及而丘使女往弔之
丘則陋矣彼方且與造物者爲人而遊乎天地之一氣
彼以生爲附贅縣疣以死爲決疝潰癰夫若然者又惡
知死生先後之所在假於異物託於同體忘其肝膽遺
其耳目反覆終始不知端倪茫然彷徨乎塵垢之外逍
遙乎無爲之業彼又惡能憤憤然爲世俗之禮以觀衆
人之耳目哉子貢曰然則夫子何方之依曰丘天之戮

民也雖然吾與女共之子貢曰敢問其方孔子曰魚相
造乎水人相造乎道相造乎水者穿池而養給相造乎
道者無事而生定故曰魚相忘乎江湖人相忘乎道術
子貢曰敢問畸人曰畸人者畸於人而侔於天故曰天
之小人人之君子人之君子天之小人也

顏回問仲尼曰孟孫才其母死哭泣無涕中心不蹙居
喪不哀無是三者以善喪蓋魯國固有無其實而得其
名者乎回一怪之仲尼曰夫孟孫氏盡之矣進於知矣
唯簡之而不得夫已有所簡矣常人束於生死之情以爲哀痛簡之不得而不
知已於性命之真有所簡矣孟孫氏不知所以生不知所以死不知





就先不知就後若化為物以待其所不知之化已乎且
 方將化惡知不化哉方將不化惡知已化哉吾特與女
 其夢未始覺者邪且彼有駭形而無損心有且宅而無
 情死情實也言本非實有死者孟孫氏特覺人哭亦哭是自其所以
 乃且也相與吾之耳矣是自其所十四字為一句楊南仲釋韓城鼎銘乃字讀仍言哀
 哭由於此身之所繫而此身非實姑自其所以因仍聊
 且所暨有之身謂之吾耳是以人哭亦哭而此身豈真
 邪庸詎知吾所謂吾之乎且女夢為鳥而厲乎天夢為
 魚而沒於淵不識今之言者其覺者乎其夢者乎

造適不及笑獻笑不及排安排而去化乃入於寥天一
 意而子見許由許由曰堯何以資女意而子曰堯謂我

女必躬服仁義而明言是非許由曰而奚來為軹夫堯
 既已黥女以仁義而剗女以是非矣女將何以遊夫遙
 蕩恣睢轉徙之塗乎意而子曰雖然吾願遊於其藩許
 由曰不然夫盲者無以與乎眉目顏色之好瞽者無以
 與乎青黃黼黻之觀意而子曰夫無莊之失其美據梁
 之失其肉黃帝之亡其知皆在鑪錘之間耳庸詎知夫
 造物者之不息我黥而補我剗使我乘滅以隨先生邪
 許由曰噫未可知也我為女言其大略吾師乎吾師乎
 鑿萬物而不為義澤及萬世而不為仁長於上古而不
 為老覆載天地刻彫眾形而不為巧此所遊已

顏回曰回益矣仲尼曰何謂也曰回忘仁義矣曰可矣
猶未也它日復見曰回益矣曰何謂也曰回忘禮樂矣
曰可矣猶未也它日復見曰回益矣曰何謂也曰回坐
忘矣仲尼蹙然曰何謂坐忘顏回曰墮肢體黜聰明離
形去知同於大通此謂坐忘仲尼曰同則無好也化則
無常也而果其賢乎丘也請從而後乎

子輿與子桑友而霖雨十日子輿曰子桑殆病矣裹飯
而往食之至子桑之門則若歌若哭鼓琴曰父邪母邪
天乎人乎有不任其聲而趨舉其詩焉子輿入曰子之
歌詩何故若是曰吾思夫使我至此極者而弗得也父

母豈欲吾貧哉天無私覆地無私載天地豈私貧我哉
求其爲之者而不得也然而至此極者命也夫

內篇應帝王第七 七章

齧缺問於王倪四問而四不知齧缺因躍而大喜行以
告蒲衣子蒲衣子曰而乃今知之乎有虞氏不及泰氏
有虞氏其猶藏仁以要人亦得人矣而未始出於非人
泰氏其臥徐徐其覺于手以已爲馬一以已爲牛其
知情信其德甚真而未始入於非人

肩吾見狂接輿狂接輿曰日中始何以語女肩吾曰告
我君人者以已出經武義度人

此儒者絜
矩之道

孰敢不聽而

化諸接輿曰是欺德也其於治天下也猶涉海鑿河而
使蚤負山也夫聖人之治也治外乎正而後行確乎能
其事者而已矣且鳥高飛以避矰弋之害鼯鼠深穴乎
神邱之下以避熏鑿之患而曾二蟲之無知
天根遊於殷陽至蓼水之上適遭無名人而問焉曰請
問爲天下無名人曰去女鄙人也何問之不豫也予方
將與造物者爲人厭則又乘夫莽眇之鳥以出六極之
外而遊無何有之鄉以處墳垠之野女又何帛以治天
下感予之心爲又復問無名人曰女遊心於淡合氣於
漠順物自然而無容私焉而天下治矣



陽子居見老聃曰有人於此嚮疾強梁物徹疏明學道
不勸如是者可比明王乎老聃曰是於聖人也胥易技
係勞形怵心者也陽子居即楊朱嚮疾三達德且也虎豹之
文來田獲狙之便執爨之狗來藉如是者可比明王乎
陽子居蹙然曰敢問明王之治老聃曰明王之治功蓋
天下而似不自己化貸萬物而民弗恃有莫舉名使物
自喜立乎不測而遊於無有者也而笑不以爲難
鄭有神巫曰季咸知人之死生存亡禍福壽夭期以歲
月旬日若神鄭人見之皆棄而走列子見之而心醉歸
以告壺子曰始吾以夫子之道爲至矣則又有至焉者

矣壺子曰吾與女既其艾未既其實而固得道與眾雌
而無雄而又奚卵焉而以道與世亢必信夫故使人得
而相女嘗試與來以予示之明日列子與之見壺子出
而謂列子曰嘻子之先生死矣弗活矣不以旬數矣吾
見怪焉見溼灰焉列子入泣涕沾襟以告壺子壺子曰
鄉吾示之以地文萌乎不震不正是始見吾杜德機也
嘗又與來明日又與之見壺子出而謂列子曰幸矣子
之先生遇我也有瘳矣空然有生矣吾見其杜權矣列
子入以告壺子壺子曰鄉吾示之以天壤名實不入而
機發於踵是始見吾善者機也嘗又與來明日又與之

見壺子出而謂列子曰子之先生不齊吾無得而相焉
試齊且復相之列子入以告壺子壺子曰吾鄉示之以
太沖莫勝是始見吾衡氣機也鯢桓之審爲淵止水之
審爲淵流水之審爲淵淵有九名此處三焉嘗又與來
明日又與之見壺子立未定自失而走壺子曰追之列
子追之不及反以報壺子曰已滅矣已失矣吾弗及已
壺子曰鄉吾示之以未始出吾宗吾與之虛而委蛇不
知其誰何因以爲帛靡因以爲波流故逃也然後列子
自以爲未始學而歸三年不出爲其妻爨食豕如食人
於事無與親彫琢復朴塊然獨以其形立紛而封哉一

以是終

無爲名尸無爲謀府無爲事任無爲知主體盡無窮而遊無朕盡其所受乎天而無見得亦虛而已至人之心若鏡不將不逆應而不藏故能勝物而不傷

南海之帝爲儵北海之帝爲忽中央之帝爲渾沌儵與忽時相與遇於渾沌之地渾沌待之甚善儵與忽謀報渾沌之德曰人皆有七竅以視聽食息此獨無有嘗試鑿之曰鑿一竅七日而渾沌死

莊子章義卷一

莊子章義卷二

外篇駢拇第八 一章

駢拇枝指出乎性哉而侈於德附贅懸疣出乎形哉而侈於性多方乎仁義而用之者列於五藏哉而非道德之正也是故駢於足者連無用之肉也枝於手者樹無用之指也多方駢枝於五藏之情者淫僻於仁義之行而多於聰明之用也多下方字從張君房本刪是故駢於明者亂五色淫文章青黃黼黻之煌煌非乎而離朱是已多於聰者亂五聲淫六律金石絲竹黃鍾大呂之聲非乎而師曠是已枝於仁者擢德塞性以收名聲使天下簧鼓以